

# ক্রিষ্টিয়ান কলেজে আন্তর্জাতিক নারী দিবস পালন

**আরো খবর, বাঁকুড়া :** বাঁকুড়া ক্রিষ্টিয়ান কলেজের এনএসএস বিভাগ ও নেতাজী সুভাষ মুক্ত বিশ্ববিদ্যালয়ের যৌথ উদ্যোগে আন্তর্জাতিক নারী দিবস পালন করা হল। সোশ্যাল ওয়ার্ক বিভাগের ছাত্র ছাত্রীরা এই অনুষ্ঠানে অংশগ্রহণ করে। মাতৃভূমি নামক একটি স্বেচ্ছা সেবী সংগঠন এই অনুষ্ঠানে অংশগ্রহণ করে। অনুষ্ঠানের শুরুতে উপস্থিত গুণীজনদের সম্বর্ধনা জ্ঞাপন করা হয়। তারপর ছাত্র ছাত্রীরা সমবেত সঙ্গীত পরিবেশন করে। অনুষ্ঠানে বিশেষ অতিথি হিসাবে উপস্থিত ছিলেন নেতাজী সুভাষ মুক্ত বিশ্ববিদ্যালয়ের ফেকাল্টি এবং সমাজসেবী সুধাকর ঘোষ, এন এস এস বিভাগের প্রধান অধ্যাপক সচ্চিদানন্দ রায় সহ বহু বিশিষ্ট ব্যক্তি উপস্থিত ছিলেন। অনুষ্ঠানে বক্তব্য রাখতে গিয়ে অধ্যাপক সুধাকর ঘোষ নারীদের সাক্ষরতা প্রসঙ্গে বক্তব্য রাখতে গিয়ে বলেন দেশের দেড়শো অধিক জেলায় সাক্ষরতা বেশ মার খেয়েছে, সেখানে সাক্ষরতার হার পঞ্চাশ শতাংশের কম, বাঁকুড়া, পুরুলিয়া এই তালিকায় রয়েছে যা উদ্বেগের বিষয়। বর্তমানে দেশের মহিলারা সাক্ষরতা প্রকল্পে অংশ নিচ্ছে। যার ফলে সাক্ষরতার হার বাড়ছে। অনুষ্ঠানে মাতৃভূমি সংস্থার পক্ষ থেকে নৃত্যনাট্য পরিবেশিত হয়।